

Scheibenschlagen

2020

Nachname Vorname

Löschgruppe Graf-Gurnau

Grafer Kapelle /

Liabe Leit, heint mecht mar enk olla schia begrießa,
wos d'rnoch iatz kimmt, sell kuan verdrießa.
Noch oltem Brauch tia mar ou Böller schiaßa.
A Verübl, dös war ins gor it recht,
a Hetz muaß sei, wega dem tia mar's decht.
D'Fuirwehr tuat enk in dr Noat olli halfa,
drum seits it beas und lot'sas galta.

Die earscht Scheiba, die hella,
keart dr Grafer Kapella.
Daß dr hl. Johannes von Nepamuk weiterhin über ins wocht,
und in dr letschta Stund für olla a Fürsproch mocht.

Da Böller hobts keart, iatz gia mar's on,
zearscht keima huir d'Gurnauer dron.

Thöni Maria / Gurnau 115a

Dr Maria tia mar iatz a Rakeita spendiera,
damit wella mir dir zum 91er gratuliera.
sou a älter und no halbwegs fit,
a runde ums Haus ,do geat sie geara mit.
Mir hoffa du tuasch no lang Gsund bleiba,
und losch die nit gonz vo Gurnau vertreiba.
Hoffentlich kenna mar die wieder mal bei ins do begriassa,
Iatz wear mar dei Scheiba no weit ocha schiasa.

Fam Juen Klaus Anna / Gurnau 115b

Insern Klaus mechta mar gonz herzlich zum 80-er gratuliera,
und a schiane Raketa spendiera.
Mir wella dir donka, viele Johr warsch inser Kassier
do isch es nit obta mit a paar Bier.
Durch Knie und Hüfte loss di nit irritiera,
am Hometrainer tua fleißig weiter trainieree.

Autohaus Maschler / Gurnau

Neba Seat, Mitsubishi konsch iatz ou Fiat koufa
do brausch im Bezirk numme weit umma loufa.
Set's Auto stiah und oder eher dr Fahrer numma kenna,
nocha war halt guat die Nummer von der Pannenhilfe z'kenna,
Deas biatet's an rund um die Uhr, des tia mar gutiera,
und dafür a Raketa spendiera.
Dass ou nächstes Johr des Geschäft floriert,
iaz no an Böller detoniert.

Siegele Ruth / Gurnau 114b

Miar hoafffa die Ruth schaut Huira wieder am guata Jahr entgeaga,
und winscha die viel Glück und viel Seaga.
Dass dir die Gsundheit ou im keamata Jahr derhalta bleibt,
dir iatz di Fuierwehrdei Scheiba extra weit ausa treibt.

Siegele Angelika & Wiedenegger Christian / Gurnau 114b

D'Angelika sieht ma Rosa maha ums Haus,
und irgendwie schaut da eppas komisch aus.
A Frau mit Burkha, ma sieht lei die Ouga,
mir kennas fascht it glouba.
Die Motorsegasa in der Hond, die Hüfte losst sie mitschwinga
so an Bauchtanz tuat it jeder so herbringa.

Juen Paula / Gurnau 112/Top 1

Die negscht Scheiba weara mar weit auBa schiaBa,
und auf dar Lischta die Juan Paula begriBa.
Fürs Johr 2020 winscha miar diar lei s'Allerbescht,
Gsundheit, Glück und Fröhlichkeit ganz fescht.
Und dass es ou so bleibt wias isch
lossa miar ou nou a Rakete vom Tisch.

Fam Juen Hubert Erika / Gurnau 112/Top 2

D Erika isch viel bei dr Orbeit um's Haus und im Stoll,
Do braucht ma a gscheid's Orbeitsgwond auf jeden Foll.
Mit hiniga Stiefel am Weg, des geiht decht nit,
muant dr Hubert und bringt dr Erika glei a nuis Paarli mit.
A bsunders schickes Exemplar, denn fesch beinond sell sei Bäuerin sei,
di Erika tunkts in ihra pinka Gummistiefel iatz bsunders fei.
Im Hause Juen hot's sletsch Jahr ou an nuia Mitbewohner geba,
a kluans guldigs Katzi, di Lilly, bringt viel Schwung ins Leba.
Viel Freid sett enk die Ranch und enkara Viecher weiterhon mocha,
drfür lossa mir enk an lauta Böller krocha.

Juen Julia / Gurnau 112/Top 2

Für die Julia wera mar a Scheiba weit schiaßa,
weil ab Mai kenna mar die wieder in Gurnau begriaßa.
Die Jahr in Landeg hasch hoffentlich genossa,
aber sicher ein wenig nach Gurnau verdrossa.
So isch dar Weg nach Pians nimmer so weit,
wenn eure Neue Wohnung zum Einzug steht bereit.
O sonst sieht da die immer flott mit die Kunden uma loufa,
so dass sie viele Artikel von dir koufa.
Dass eure Vorhaben o alle guat gelinga,
lassa mar no a Rakete weit in Himmel aua singa.

Juen Johannes / Gurnau 112/Top 2

Für'n Johannes wird iatz a Scheiba ganz weit kaut,
so dass er sich o mal vor die Tür ausi traut.
Wie jedes Jahr gibt's nit viel über die zum Berichta,
da isch es schwierig was ordentliches zum dichta.
Kocha tuat er mit ganz viel Leidenschaft,
und S'Playstadion spielen kostet danach sei letzte Kraft.
An Böller lasse mar für die no krocha,
fürs neue Jahr lei die besten Socha.

Juen Anna-Lena / Gurnau 112/Top 2

Bei dar Lena hat sich ein Beruflicher wechsel ergeba,
als Sozialpädagogin Jobt sie iatz nacha duchs Leba.
Aber bis sie so weit isch,
darf sie wieder hintern Schultisch.
Auf Stams muaß sie immer fohra°,
und sich neben bei no bissli a Geld erspo°ra.
So isch sie z'Landeg beim Schlossadvent,
in ganza Tag mit'm Glühwein uma grennt.
Auf dar Fitnessmesse hasch die mit'm Benni top Informiert,
so wasch iatz genau wie ma daham richtig trainiert.
Für enk holla mar no a Scheiba aus dar Gluat,
so dass sie in Nachthimmel erhella tuat.

Fam Schmid Helmut Linde / Gurnau 115/ Top1

An Brond in der Wohnung isch sicher nit schian,
do hot sogor d'Linde miassa löscha giahn.
Sie hot jo an Haufa Fuirwehler im Haus
Drum kennt sich d' Linda do sicher aus.
Gott sei Donk hot sie schnell und richtig reagiert,
drum isch nit gor a so viel passiert.
Iatz weard natürlich schuan huira renoviert
Und die bstellt Kucha vom Lutz glei ausprobiert.
Und dass iatz d'Wänd weiss bleiba und nuit mia passiert,
für enk nou a Raketa marschert.

Fam Schmid Harald Angelika / Gurnau 115/ Top2

Vorm Haus bam Harld sieht ma a iatz a tolls Auto stiahn,
er weard decht iatz nit mit dem nuia Auto als Spediteur giahn.
D' Forb hot er von schwarz auf weiss umgestellt,
damit ihn iatz nummer jeder glei erkennt.
Dia vielen Sportgeräte kann er iatz alle im Auto unterbringa
Und braucht sie numma aufs Doch aucha-schwinga.
Für Schi, long oder kurz und ou Radla isch iatz Plotz im Auto drin
Iatz konsch er ollas mitnehma überoll hin.
Viel Freid sett enk des nui Gerät ou mocha
D'rfür losst d' Fuirwehr an onständiger Bäller krocha.

Schmid Daniel / Gurnau 115/ Top2

Da es beim Daniel zur Zeit guat louft
-hat er sich letztes Jahr a Eigentums Wohnung kouft.
In Oberperfuss do ischs richtig schia
lei was sell er iatz mit dem viel Platz lei tia?
Do stia a poor Zimmer laar
was er iatz mit dem freia Platz tuat des isch nit schwar.
Die Familienplanung kann er iatz endlich ongia
do weart nocha gleiamol a Wiaga drin stia.
Im Summer do ischs soweit
ins hosch nuit gseit, wolltesch dass es a Geheimnis bleibt?
Mir hoffa ou du konnsch die Geburt guat überstia
iatz lossa mar dei Scheiba no weit ausa gia.

Schmid Thomas / Gurnau 115/ Top2

Will ma da Thomas zu uanr Arbeit locka,
muass ma ihn lei hinter ua Lenkradli hocka.
Ma sigt ihn mitm FF Auto und Traktor uma fohra,
er muass jo sei Kraft fürs Fuassball spora.
bei all dem Stress miassa a poor Tag Urlaub ou sei,
drum isch er huira gflouga nach Mallorca und Shanghei.
Des Shanghei hat ihm anscheinend bsundrig taugt,
drum hat er sichs uamol mit die Arbeits Kollegen und uamol mit dr Freindin
ongschaut.
Kurze Zeit später sigt ma die mit dr Freindin noumol nach Mallorca fliaga,
Zahlt muass ma beim Hofer wircklich guat kriaga.
Hofentlich louft ou des nuie Johr wieder guat,
iatz houla mar no a Scheiba für die aus dr Gluat

Fam Grießer Hubert Rosmarie / Gurnau 112a

D' Rosi und der Hubert hoba olla Hand voll z'tia,
Oma und Opa sei isch wohl schia.
D'Evi hot in Deutschland a Biabli -- Emil --- auf'd Welt broacht,
dafür iatz no an Böllar kroacht.
In ama olta Haus isch gnuag Platz, nur muaß mas renoviera,
und so tuat dr Huber mit der Werkzeugkista ins Deutscha außamarschiera.
Mir hoffe dear Umbau tuat gut gelinga,
d'Fuirwehr tuat iatz enkra Scheiba weit außaschwinga.

Fam Scheiber Helmut Martha / Gurnau 112b

Beim Helli hot sich a tägliche Routine etabliert,
und so er morgats täglich Richtung Landeck kutschiert.
Mit a poor Leit tuat er über aktuelle Themen diskutiera,
und ou deas uan oder andere Gerücht notiera.
Aber nit olli konner er volè zu seim Termin,
vor allem unter der Woche maus er zearsch woandersch hin.
Aucha in der Stanzer Leita um zua da Henna schaua,
weil wenn da Robert nit da isch, brauchta dia echt wos zum kaua.
Dass dr d'Martha am Vormittag dahuma nit tuat verdriaßa,
mir dia Scheiba iaz weit in den Himml schießa.

Scheiber Robert / Graf 125/Top 4

Bei Robi`s Baustell schaut`s iatz ou numm agar aso beas aus,
weil einzoacha isch er schua in sei fascht Nuies Haus.
A paar Haustiere miassa da iatz natürlich ou nou hea,
da tuat sich der Robert it lang schwer.
Hosa sein iatz it grad Robi sei Sach,
drum baut er glei für 20 Henna a nuis Dach.
An morz Hennastall hat er da iatz baut,
damit über Nacht kuane ab derhaut.
Mir hoffta du tuasch der Fuierwehr iatz a paar Bio-Goggala spendiera,
und miar Tian dir dafür a Scheiba grad extra weit ausa katapultiera.

Scheiber Peter / Gurnau 112b

Der Peter hat letschtes Jahr beim skifahra an Stadl umdekoriert,
und isch dafür mit samt dia Schi in die Tir eia detoniert.
Der Peter fahrt alli toll schnell, deas isch wohl betroaga,
drum isch er in deara Kurva ou ausi gfloaga.
An Hubschreuberflug hat`s oaba drein ou nou geaba,
a sall muass ma nit bei jedem Schitag derleaba.
Gott sei dank isch deas ganze halbwegs guat abgloafa,
und inser Peter muass sich nu a paar nuie Schi koafa.

Scheiber Markus / Gurnau 112b

Hot dr Markus mit seiner Freindin an romantische Skiurlaub gmocht,
haba sie miasa bis ins Tannheim-Tal aussie forhra des isch ja glocht!
Wenn dia zwoa wieder auf Reisen sei,
geiba sie s' Katzli bam Helli ob
und det dunkt sa so richtig fein.
Mit'm Fohradli hot er oh an riesa Sturz baut,
do war gscheider gwesst du hatsch besser auf d' Stroaß gschaut.
Bam Oberschenkel hot er blietet,
do sieht ma wia er hot gwiatet.

Scheiber Michael / Gurnau 112b

Dr Michael inser Tiroler in Wien,
kimmt durch sei Studium überall hin.
Ma sieht ihn fleißig arbeiten giahn
oder bei minus 10c° im Eisbach stiahn.
An Urlaub im Mallorca hasch mit da Kollega gemacht,
und wie ma so hört habt's a feine Zeit verbra°cht.
O sonst isch er fast bei jedem Fest mit dabei,
iatz waß er o Silvester auf dar Skihitta endet immer mit einer Sauferei.
Im neuen Jahr will er was Nuis probieren,
so geht er kurzerhand nach Schweden studieren.
In Schweden wersch sicher a schöne Zeit verbringa,
und lassa für die no an lauta Böller singa.

Fam Rainalter Eckhardt Hella / Gurnau 136

Der Ekki und die Hella hoba iatz kua Wohnmobil mia,
drum tunkt sie deas Urlaub-Fahra numma schia.
A grösseres und schianeres sell`s iatz weara,
nocha kannta sie bei nou mia Weinbaura zua keara.
Mia Platz beim schlafa war natürlich ou ganz fein,
Drum sell`s ja dearmal uans vu Hymer sein.
Miar hoffa eas habat`s damit ou viel Gaudi,
und drum schick mar enk nou a Raketa aui.

Fam Huber Robert Gabi / Gurnau 137

Iatz tian mar der Gabi und dem Hansrobert amol zu am bsundra Ereigniss
gratuliera,
und lossa zu enkerer goldenen Hochzeit a Raketa marschiera.
A halbs Jahrhundert isch a lange Zeit
Zusammen in der Zweisamkeit
Dia Scheiba sett fliega schian und weit,
weil die nägschte 50 Jahr stiahn schua bereit.

Fam Schütz Egon Sissi / Gurnau 143

Dr Egon will seit Jahren schua sein Grund und Boden verkoufa,
dar Lex hat des gsehn und isch glei zu dir gloufa.
Leider isch dar Egon nit alles loss gewora,
für Angebote hat er immer offene Ohra.
Dadurch hat er sich glei a neues Langlauf set kouft,
mit dem er sicherlich einige Runda weit louft.
Die Sissy isch des öfteren im Altersheim zu sehn,
weil die Mama muaß ma schua regelmäßig besuchen gehn.
Kochen mit'm Thermomix isch sicher a feine Gschicht,
so gibt's fürn Egon immer a neues Gericht.
Nur die besten wünsche und a guats neues Jahr,
a Scheiba fliegt weit ausi isch e klar.

Schrott Werner Gudrun /

Vor Sissi d'r Bruder hot a nuie Orbeit gfunda
Iatz draht er mit Zwillingenkel seini Runda.
Dös isch erholsom und sicher schian,
wenn er in der Pension mit dem Poppawoga konn giahn.
Setsch ober mit dem Fahrzeug kuan Unfaoll mocha
Drum lossa miar nou an Böller krocha.

Schütz Florian / Gurnau 143

Der Flo war letschtes Jahr ganz nett auf Tour,
zwischa groasse Städt und der Natur.
Auf Indien hat`s ihn mit der Christa verschlaga,
da haba sie dia Rucksäck kenna weit traga.
Vom Meer aus, bis auf 6000 Meter aua,
da muass ma seim Reisebüro schua ganz nett vertraua.
Der Flo hat iatz mittlerweile ou schua a gwieses Alter erreicht,
da tuat ma sich beim Sport auf der Ebene halt mia leicht.
Deine Schi kanntesch Iatz nacha eh langsam verkoafa,
weil wia ma heart bisch eh mehr beim langloafa.
Miar sein in sicher du hasch bei dem Sport a morz freit,
und hoffa dass es deine Scheiba weit aussa treibt.

Fam Larcher Peter Margret / Gurnau 138

Der Peter hat letschtes Jahr wieder amol in a nuis Fahrzeug investiert,
und sich selber a E-Bike spendiert.
An Haufa Gald koschtet so a Strom-Radl,
schont dafür aber toll di Wadl.
Die Margreth hat seit Huira ou a nuie Beschäftigung,
und kimmt seit dem viel ummadum.
Den „Essen auf Rädern“ hat sie sich ganz und gar verschriebe,
mir hoffa es isch dennoch gnuag Freizeit übrig blieba.
Iatz hoff mar enk hat`s ou Huira wieder guat,
und hohla enk dafür a schiane Scheiba aus der Gluat.

Fam Larcher Mathias u. Simone / Gurnau 138a

Bei jedem Wind und Wetter aufm Berg douba stian,
mit der Familie oder alluan, Hauptsoch gian.
Ou des trendige E-Bike hât er für sich entdeckt,
aufwärts wianiger treta hât natürlich sein Interesse gweckt. :)
Und wenn er mecht in d'Arbeit fâhra,
derf er mit Kontrollblicke in's Auto nit spâra.
Spätestens wenn sich der Nâchbâr meldet hätt' er's gspürt,
dass er bâld a fremds Katzli hätt entführt.
Auf dass s'nuie Jâhr ähnlich spannend tuat beginna,
lâss mar a Scheiba bis zu deem Gârta ausa singa.

Vogt Irene / Gurnau 141

Wenn die Irene nit good isch mit dr Herta beim inkoufa,
sigt ma sie überall umanondr loufa.
Im Summer sigt ma sie mitm Radla fohra,
damit lasst sich Geld und Co2 spora.
Ou wandern sigt ma sie öftres gia,
im Winter tuat sie liabr auf da Brettla stia.
Damit sicht ma sie gekonnt die Berg oa schwinga,
miar schaua dass mar die Scheiba iatz weit ausa bringa.

Vogt Herta / Gurnau 141

Die Herta hat deas ganze Jahr gar wianig Zeit,
aber deas isch halt so, bei dia pensionierte Leit.
Ma hatt halt alli wirklich viel zum tian,
deas muass ma halt ou amal verstian.
Trotzdem isch die Herta beim Kapellaverein alli mit dabei,
und halft ganz geara mit bei Allerlei.
Beim hearichta und beim Keksla mocha,
hat ma da alli was zum locha.
Bei die Kipfla nimmt ma halt dean Zucker dean ma grad hat,
da weard ou it gar aso lang danach gfragt.
Gschmeckt haba dia Keks aber trotzdem ganz guat,
drum hohl mar der Herta nou a Scheiba aus der Gluat.

Fam Schultes Hubert Brigitte / Gurnau 139

Zur Scheiba lossa miar nou a Raketa steiga
und tian bam Hubert und der Brigitte bleiba.
Eppas a Orbat hoba sie olli z'tian,
drum hob sie's ums Haus olli so schian.
Iatz hohl mar für enk a Scheiba aus der Gluat,
und Hoffa enk hat`s weiterhin ou guat.

Fam Marth Edmund Helene / Gurnau 140

Itz treiba miar für enk a Scheiba aus d'r Gluat,
und hoffa, dass es dia Scheiba ou weit aussig troga tuat.
Da Edi sieht ma im gonza Tolkessel spaziera,
zu dem sportlichen Ehrgeiz miassa mir olli wieder gratuliera.
Und dass die Helene mit der Kondition ou mitholta kann,
geht sie fleissi mit , - mit ihrem Monn!
Vo enk zwoa kann ma nit guat an Blödsinn schreiba
wenn ma nuit woaß- aber d'r für an Böller onreiba.

Landerer Franz / Gurnau 142/Top 1

Der Franz lat`s ab Huira im Haus a bissla ruhiger angian,
und den Besa ab Iatz liaber in der Speis stian.
Staubsauga isch ou numma mal so schlimm,
weil im letschta Budget war an Roboter drin.
Den muass ma nu mia richtig programmiera,
und tuat danach kaum nou Zeit mitm Sauga verlierera.
Ab Huira kennats den nuia Wintergarta ou viel besser nutzta,
und miassats numma so viel sauga und putza.
Der ganze Bau hat ou ganz recht lang braucht,
da isch ma selbst als Bauherr ganz nett gschlaucht.
Mir winscha enk damit a feine Zeit,
und hoffa dia Scheiba für enk geat ou recht weit.

Fam Würthenberger Claudia u. Armin / Gurnau 142/Top 2

D'letzte 3000 km in ihrem roate Blitz,
habn se verbracht aufm Beifahrersitz.
Der Grund dafür isch kuan geringer,
es Autofahren lernen die Kinder.
Wenn da Armin mal it vu da Paula herumkutschiert werd,
siegt man auf seim Drahteselpferd.
Mit dem fahrt er vu Gurnau auf Imst und wieder retour,
mancher oans muant er schaut auf sei Figur.
Auf des aufi gönñ da no a guats Kiachl,
mir schicka enk no a Rakete vom Bichl.

Fam Öttl Wolfgang Christina / Gurnau 142b/Top 1

Die Anna hat letschtes Jahr mit ara nuia Schual anfanga,
deas tuat iatz vu Wolfgang's Taxikünste alles abverlanga.
A feine Sach isch a so a Fahrgemeinschaft schua,
weil nacha isch ma im Auto nit so allua.
Mir hoffa di Christa tuat dia viele Freizeit iatz it glei verfluacha,
sinscht miasstesch dir fascht nou a nuies Hobby suacha.
Ganz sicher kimmt bei enk da kua Langeweile auf,
drum ladads mir enk iatz ein zu am morz Kaaskiachla Kauf.

Fam Pfeifer Karl Brigitte / Gurnau 142c

Bei dar Brigitte und beim Karl gibt's im Gorta a Veränderung,
seit neuestem sitza da alle um an Tisch umadum.
Aber deas isch kuan normaler Tisch, sinscht wara mar eh still,
in der Mitte von dem Tisch isch wirklich an Grill.
Was kanns bessers geaba als so zamm sitza,
sou kimmt wianigschtens nit lei uanaer beim Grilla zum schwitza.
Und damit deas a Gsicht kriagt gibt's ou glei a nuis Gartenhaus,
an nuie Tisch unafach so, wia schaut denn deas aus?
Viele schiana Stunda, in gemütlichen Runda,
winscha mar somit, und schicka glei a Scheiba mit.

Pfeifer Martin / Gurnau 142c

In Imst treibt a sich momentan immr umma,
guat zu erkennen an seinr Landecker Nummer.
Meist vermutet ma er isch im nuie Injoy fleißig am trainiera,
daweil tuat er lei sein Zivildienst bei da Lebenshilf absolviera.
Iez nimmt sei Zivildienst aber langsam a End,
weshalb er vu unar Bewerbung zur nächsten rennt.
Zum Abschluss schieß ma da no a Raket,
dass ja alles erreichsch auf deem heurigen Weg.

Pekar Manfred und Sabine / Gurnau 144/Top 1

Wenn ma schua a Weil in ama Haus wohnt woas ma deas ganz genau,
die Arbeit rundum, dia heart niemals auf.
Dar Manfred und die Sabine hoba in Gorta renoviert,
und dazu sicher viel Zeit investiert.
Aber damit ma nit o no worta muas bis dar Rasen wachst und gedeiht,
nimmt ma halt an Rollrasen, nocha ischas glei aso weit.
Blead isch lei wenn dar Rosa nit reicht,
da kanntasch am übriga Platz Erdäpfel setza vielleicht.
Miar schiaß a Scheiba auf enkar Gorta,
die wirkt wia an Dünger, nocha muasch nit so lang worta.

Sailer Gerhard & Brigitte / Gurnau 144/Top 2

Die Brigitte, und deas isch fascht nit zum glouba,
hat schu 70 Jahr auf Buckel douba.
Und zu so anam Anlass isch a gscheide Reise angebracht,
drum hat die Brigitte a Kreuzfahrt übers Mittelmeer gmocht.
Barcelona und ou Rom wora auf dar Lista mit dabei,
und o sinscht hobats sicher gseacha Allerlei.
Zum 70er a Scheiba und a Raketa darzua,
und iatz lossa mar enk wieder in Ruah.

Fam Carpentari Jürgen Sonja / Gurnau 117c/Top 3

Die Sonja und der Jürgen gian sehr sportlich durchs Leiba,
selbst vom Klettersteig auf'd Ballunspitze in Galtür tian sie sich kua Blöße geiba.
Ou bei steila Wanderungen packa sie sich beim Schopf,
freili isch die Aussicht an Genuss aufm Gatschkopf.
Nebam Joggen hât d'Sonja ou die Nintendo Wii als Trainingsgerät entdeckt,
sportla bequem dahuam, des hât ihr Interesse geweckt.
Der Jürgen muas natürlich ou schaua dass er sportlich bleibt in der Spur,
schliaßli muas er als Servicemann fürn Nevio mâcha a guate Figur.
Beim Ski-Opening am Hochzeiger wâr er mit seine Spetzl wieder dabei,
a mords Gaudi, lei dass des Getränk ausgeat wâr nit so fei.
Vielleicht tiats enk als Barcrew gscheider a eigens Fassli mitneima,
dass die Gäst nächstes Jâhr nimmer z'kurz keima.
Dass ou des nuie Jâhr wieder erfolgreich und sportlich tiats dawischa,
loss mar a Scheiba no weit ausi zischa.

Fam Carpentari Reinhard Eva / Gurnau 117e

Wie jeder woas, wohna dar Reinhard und die Eva in am groaße Haus,
und deas weard sogar no größer, ziahcht no epparn aus.
Dar Lukas hat deas gmocht und hat sich a eigene Bleibe gsuacht,
iatz hoba dia zwoa mehr Platz für an Bsuach.
A Gästezimmer gibt's iatz in ihrem Domizil,
und darzua a Nähzimmer, deas isch decht nit z'viel?
Außerdem kimmt ins z'Oahra, dass deana zwoa iatz an Camper gkeart,
da hat dar Reini miaße die Garage umbaua, damit dear nit die ganz Zeit im Freia
steht.
Bleibats so aktiv, deas winscha mar enk,
die negschte Scheiba schloga mar richtig weit, und deas ausm Handglenk.

Carpentari Lukas / Gurnau 117e

Der Lukas tuat jå in Innsbruck studiera,
und seit letztem Jåhr in uaner eigenen Wohnung hausiera.
Zåm mit der Freundin håt er's nit långweilig, sie måcha sich's fein,
åber sie derfa am Abend nit allzu laut sein.
Jeden Schritt aufm Parkett heart d'Nåchbarin drunter,
na des geat nit, dass de weart munter.
Um dem Wahnsinn a Bissli zu entkeima war Griechenland des Ziel,
über die Freundin mitm Reisebüro kostet des halb so viel.
Des nuie Jåhr sell ou wieder erfolgreich weara huier,
dafür hol mr die schianst Scheiba ausm Fuier.

Fam Carpentari Reinhard Marlies / Gurnau 117c/Top 1

Wie kann deas sein, isch deas sicher wohr,
die Marlies und dar Reinhard sein schua 70 Johr.
Und so hoba sie ihre Geburtstagsfeiern gemeinsam gmocht,
und im Hotel Hirschen a bissali gfeschtat und glocht.
Alles Guate wunsch o die Fuierwehr im nachhinein,
miar schiaßa a Raketa, deas musas schua sein.
Und a Scheiba kimmt auf jeden Fall darzua,
und zum Schluss an Böller, nocha geaba mar a Ruah.

Fam Kurz Julia Alexander / Gurnau 117c/Top 2

Dr Alex hat huira a Firma für Auto Liebhaber auf gmocht,
Do sei glei an haufa Kunden keima, zersch hat er no glocht.
Iatz isch er drauf keima dass er a größere Garage breicht,
da der vorhandene Platz uanoch numma reicht.
Somit hat er ongfonga sich um uan Bauplatz onschaua,
Wo er kann sei Garage hin baua.
Mit der Aussicht dass der Betrieb ou weiter so guat louft,
hat er sich an Bauplatz in dr Soga douba kouft.
Des isch nit weit weck, do kann er sogar z' fuass ocha gia,
do weart iatz bald a Gebäude für Autotuning do stia.
Lei die Gemeinde hat wieder mal was dagega,
drum hat ma ihn no nit gseicha da Grund ausheiba.
Sie sog a des soll a Wohnsiedlung weara,
so tia sie enk des erklära.
Mir hoff a enk tuat des Projekt decht no guat gelinga,
iatz schau mar dass mar enkr Scheiba no weit ausa bringa.

Wilhelm Karin / Gurnau 142a

Die Karin geiht geara amol ausm Haus,
und entwickelt sich nocha zu ara richtiga Partymaus.
S'Opening in St. Anton war so an Anlass,
die Sarah Connor war da mit lauter Musik und viel Bass.
Ihr Bua, dar Kevin isch Karins gonzer Stolz,
dear macht bald sein Abschluss an der HTL, klopf auf Holz.
Dazua weara miar fescht die Dauma heaba,
und lossa no a Scheiba übers Brett ausa feaga.

Wilhelm Kevin / Gurnau 142a

Ja beim Kevin gibt's heuer nit viel zum sogä,
weil er sich tuat in Innsbruck abploga.
Da hat man ihn erst gsegn, in Anzug und Krawatte,
Am Techniker HTL Ball auf da Matte.
Natürlich well ma die bei deine Prüfunge unterstütze,
drum ziach ma all unsre Geschütze.
Schieß ma da nou a schiane Scheiba,
und bitte bei da Maturareise brav bleiba.

Pfisterer Dieter Christine / Gurnau 139a

Dia negscht Scheiba isch aussu aus d'r Gluat,
mir hoffa es geiht dem Dieter und der Christine olli guat.
Gsundheit winscha mir enk auf olli Fäll,
und lossa ou nou a Raketa vor Stell.
Mir Hoffa eas tiats ou im huiriga Jahr gsund bleiba,
miar enk iatz enkere Scheiba richtig weit ausa treiba.

Pfisterer Peter / Gurnau 144

Als LKW-Fahrer beim Wucher in der Gegend umafähra,
im Vergleich zum Spezialtiefbau lässt sich's dā mords an körperlicher Arbeit
spāra.
Er hāt vor Weihnachten no miasa die Bandscheiba OP hinter sich bringa,
dass er känn im nuia Jāhr bald wieder schmerzfrei durch's Leiba springa.
Und ou sei Geld hāt der Piet auf die Bank bewegt,
er hāt sich jā kurzerhänd a Eigentumswohnung zuaglegt.
Mir wünsch dr für's nuie Jāhr lei s'Allerbest,
und haua dia Scheiba ausi ganz fest.

Fam Haag Sabine u. Peter / Gurnau 117a

Peter und Sabine, es isch alli s'Gleich,
Gschichtamäßig weart ma bei enk nit reich.
Sicher isch bei enk zwoa an Haufa loaß und miar wischtas geara,
nu so viel Leit ma ou fragt, ma kriagt nuit zum Heara.
Eas seids Undercover kannt ma da bald glouba,
iatz schiaßa mar enk a Scheiba vu ganz weit douba.

Haag Thomas / Gurnau 117a

Nachdem er d'Matura gschafft hat mit Bravour,
kam die Bundesheer Tortour.
Da marschiert er jetz mit seine Kamerada in einer Reih,
und überlegt sich was er macht nach der plagerei.
Wies weiter geiht, auf des sei ma schu ganz erpicht,
aber des isch a andere Gschicht.
Mir wünsch dir weiterhin viel gelinga,
und lassa die Scheiba no weit ausisinga.

Fam Schütz Erwin Christine / Gurnau 146/Top 1

Dem Erwin mecht mar iatz amol zu seiner Pension gratuliera,
und da dafir lass mar a Raketa und an Böller marschiera.
Zum in Urlaub fahra habat`s iatz ou mia Zeit,
mir finda ou deas isch so ganz gscheit.
Dahuam isch ja ou alli was zum tian,
und wenn ma dabei kuan Stress hat isch ou sall ganz schian.
Und iatz mit dem zwoata Enkala im Haus,
isch`s mit der Langweil sowieso glei aus.
Miar hoffa enk hat`s Huira ou wieder guat,
und schloga enk dia Scheiba achi, mitsamt der Gluat.

Fam Schütz Manuel Regina / Gurnau 146/Top 2

Beim Manu und der Gini gibts huira di Sofia zum begriassa,
drum tian mar iatz a extra Raketa aui schiassa.
Bei 3 Madla dahuam kann der Manu jeden Schlaf guat braucha,
vorallem wenn er wieder an Nachtdianst muass übertaucha.
Mit zwoa kluane Kinder hat ma sicherlich allerhand zum tian,
drum lass mar enk iatz nou a Scheiba ganz weit ausa gian.

Fam Walter Markus Sybille / Gurnau 117/Top 1

Iatz miasa mar eppas traurigs darzeahla,
die Sybille und dar Markus hoba ihr Haus und in Salon epparm andern geaba.
Verkouft hoba sie deas Gonze und ziacha nach Kappl durch in,
miar winscha enk alles Guate für euern Neubeginn.
Die Sybille tuat aber weiter die Haar vu die Leit in eppas schians verwondla,
iats miasa mar holt auf Kappl icha gondla.
Vielleicht seids ja beim Scheibaschloga alli amol wieder da,
alles Guate enk, und iatz schicka mar enk a Raketa durcha.

Walter Chiara / Gurnau 117/Top 1

Die Chiara hat sich letztes Jahr gedacht,
a Tapetenwechsel war angebracht.
Drum geat se aus Gurnau weck und
hat sich gsuacht an anderen schianen Fleck.
Dass da guat geat im nuie Haus,
Schick ma da no an Böller raus.

Fam Senn Werner Brigitte / Gurnau 117b/Top 2

Letschten Summer hot sich die Familie Senn über'n Ozean traut,
und sich in Amerika viele tolle Socha ongschaut.
Zrugg sein si kema ohne ihren Schwiegersohn, den Christian,
weil der hot a Auslondsjoher in Amerika auf seim Plan.
D Verena weart schua a bissli verdriaßa um ihren Ehemonn,
ober si hot jo bei enk gsecha, dass so a Fernbeziehung guat funktioniaru kann.
Seit'm Herbst isch es für d'Brigitte vorbei, in Wien gmatli durch die Museen
flaniara,
iatz hoäßt's wieder Vorbereitungu schreiba und Schularbeita korrigiera.
Des tunkt di Brigitte noch dem Sabbatical iatz wieder recht fein,
dr Werner in Wien, do toalt sie sich die Woche alluan guat ein.
Dass di dia Schialer do daußa nit zu fescht ploga,
tia mar für enk no an Böller in d'Nocht außajoga.

Fam Senn Arnold Ursula / Gurnau 117d

D'r Arnold hot seine Biene im Galam deponiert,
ober s'Bienahaus hot letschts Summer an Stuan ruiniert.
Im Galam oba doba hoba a poor an Stodl obbaut,
dabei isch dena der Stuan ob'ghaut.
Do sett ma schuan aufpassa, dös sein kuani Methoda,
weil vom Arnold wors Bienahaus somt d'Biena am Boda.
Den Schoda weard natürlich wieder guat g'mocht
Do gibt's a nuie Residenz für dia Völker, sall war decht glocht.
Daß sich dia Biena ou wohlfühla dann im nuia Haus
Losa miar zur Scheiba nou a Raketa aus.

Pfeifer Anna / Gurnau 116/Top 1

Die Anna hoast Pfeifer, deas wissats eas ja,
ob deas aso bleibt oh im negshta Johr?
Verlobt isch sie nämlich mitm Florian Seidlbäck,
oder gibt vielleicht er sein Nachname weck?
So wichtig isch deas aber nit, Hauptsoch es verstiahts enk guat,
und in enkrar Beziehung brennt alli a Gluat.
Im Fasching tunkts dia Zwoa oh alli recht fein,
drum riafa mar a lautes SCHALLA SCHALLA, und zur Verlobung muas no an Böller
sein.

Menghin Manuela / Gurnau 116/Top2

A Fitnessstudio tian viele probiera,
sie mechta sich ein guata Körper antrainiera.
Aber die meishta heara schnell wieder auf,
da gehat uanfach z'viel Zeit und o Geld mit drauf.
Aber die Manuela isch da konsequent,
sie recht oft in so a Studio rennt.
Dar Sport scheint überhaupt wichtig zum sein,
wer kanns ihra verdenka, es isch uanfach fein.
A erfolgreiches Johr,
a Scheiba durcho.

Fam Plattner Wolfgang Angelika / Graf 118

S'Arbeitsleba hot amol an End,
dr Wolfgang numma allzu long ins Finanzamt rennt.
Ob am Langats isch as soweit,
der Wolfgang in der Pension nocha weilt.
Am Gardasee mit der Angelika do konnsch iatz olli dunta bleiba
und im Wohnwoga die Zeit vertreiba.
Dein Hauptwohnsitz wearsch eppa verlega
d' Bluma daham weard schua epper pflega.

Plattner Christian / Graf 118

Dass dr Christian sei Arbeit guat mocht isch all bekannt,
drum hoba sie ihn iatz auf uanr groaßa Baustell in Hamburg einsponnt.
Dia weite Strecke mitm Privat Auto - do hat er sich glei beim Chef beklogt,
Und im gleicha Atemzug um a Firmenauto ongforgt.
Seit dem sigt ma ihn mit ma weissa Kombi uma fohra,
da losst sich an haufa Geld und KM spora.
Hoffentlich kann die FF weiter voll aufn Finanz Minister baua,
iatz wear die Scheiba no weit ausa haa.

Plattner Kathrin / Graf 118

Wenn ma bei dr Fahrschual Landeck tuat an Führerschein mocha.
sigt ma die Kathrin hinterm Computer ausa locha.
Egal ob ma an Kurs mocht oder Fahrstunda muass nehma,
um die Kathrin tuat ma uanfoch nit uma keima.
Lei die Freizeit tuasch anscheinend liabr wo ondersch verbringa,
daham sigt ma die höchstens von dr Haustier ausa ins Auto ocha springa.
Hoffentlich losch die huira wieder mal öftr blicka,
mir weara iatz die Scheiba no weit oa schicka.

Fam Kobler Gerald & Gabriele / Graf 127/1

Der Gerald hot zwor nit Architektur studiert,
ober trotzdem manches Bauwerk konstruiert.
Aufm Platz vom „Jokoba“ Stodl hot der Gerald eppas gmocht,
wo iatz aus jedem Fensterla a Henna aussilocht.
Die Henna vom Gerald wohnen do erster Klasse
drum gib'ts ou Goggala bester Qualität und nit als Masse.
sog deine Henna, sie sella auf Ostera nou an Haufa Goggl mocha
darfür lossa miar nou an Böller krocha.

Perktold Michael / Graf 127/1

Zum Michael kenne ma zerst amol Griaß di sogä
und a Scheiba ins Fuier troga.
Der Michael tuat im Winter den Schneeräumdienst disponiera
und ou wennis nit passt kritisiera.
A bißli Freizeit war decht da ou it schlecht
da kimt des milde Wetter grad recht.
Mir tata gera über Schandtaten berichta
lei heart ma koane vu deina Gschichta!
D´Freindin will ins ou nuit sogä
nocha kenna ma enk ou it weiter ploga!
Und dass dies dir weiter so gelingt
a Scheiba iatz übern Bichl oa singt!

Larcher Thomas & Maneula / Graf / 126A

Als erschts mecht ma enk in Graf begriassa
und a Raketa aui schiassa
In der Penthauswohnung kann ma sichs so fein mocha
und auf die Grafer ocha locha.
Wer a schiani Frisur haben mecht
Der geht zur Manuela weil do weart sie recht.
Mir hoffa die Feuerwehr hot enk fest imponiera
weil bold kema ma zu enk zum Kassiera
Und iatz a Scheiba aussu aus der Gluat
und für heint isch guat.

Fam Schlatter Harald Melli / Graf 121/Top 2

Der Hari isch vielbeschäftigt und fest verankert in Graf und Gurnau,
als Walmeister, FFKdt Stv. und Bauer isch älli was im Bau.
A nuis Fundament vorm Haus statt dem Gärta,
des angedachte Vordachli lāsst älli no auf sich wārta.
Seine Pferdla hābas auf der Alm in Nauders fein ket,
lei der Weg dert hin mitm Hānger wār a mords Gfrett.
Die Strāß hāt decht a paar Kurva sodass sich die Pferdla bewega,
so hāba sie's gschāfft den Hānger leicht zu zerlega.
Zum Glück isch nix greibers passiert und alles isch Guat gānga,
āber tat sicher nit schāda die Hāngerwānd a bissli zruggsplānna.
Mir wūnscha dir und deiner Familie für's nuie Jāhr viel Erfolg und Gesundheit,
und haua ausi dia Scheiba no gānz weit.

Fam Schlatter Engelbert Stefanie / Graf 121/Top 1

Die Scheiba sett iatz weit aussì giahn,
weil iatz bleiba miar bei der Stefanie und beim Engl stiahn.
Aufs Grofer Kappali tian sie olli schaua und hoba deas ou guat in Schuß,
drum kimmt zu deara Scheiba an Böller zum Schluß.
D'r zua tian miat amol donk schian sogà,
obar i bissli sett ma den Engl decht nou ploga.
Bam a Sauwetter d'Ross auslossa, hot er amol gmuant, sett ma nit tian,
dass er ober salber da Gatter aufgmocht hot, kann er nocha nit guat verstiahn.
D'rfür brauchsch ober nit scheniera,
weil eppas vergessa tuat jedem amol passiera.

Fam Nöbl Hannes Petra / Muntlix

Beim Hannes und dr Petra hât sich gewaltig wàs geändert im Leiba,
letztes Jâhr hât's a wunderschians Ereignis geiba.
Auf die Geburt der Tochter gheart natürlich angstoàßa,
der Treffpunkt isch im Verwall hât's ghoaßa.
An gmiatliche Ausflug sells gweisa sei,
mit àllna Kolleiga und Freind, des klingt jâ fein.
Ab und zua gibt's ou andere Prioritäten beim Hannes.
Am Muttertag wollt er beim Punk in Drublic Konzert in Dornbirn vor der Bühne
stia,
do hât er sicher miasa an Kompromiss ingia.
Mir hoffa enk drei geats guat im Ländle dausa,
und schiaßa a Raketa no weit ausa.

Fam Nöbl Ferdinand , Romana / Graf 129c/Top 2

Zum Runda im Feber miassa miar nou gratuliera
Und ou glei a Raketa spendiera.
Mit dem 69-iger isch iatz endlich Schluss,
ober d'r Ferdl isch ou mit 70 nou super in Schuss!
Iatz sieht ma ihn nämlich aus einem Tchiepp aussì- locha,
do weard er iatz manchs Fahrtli im Gelände mocha.
Und für d'Stroßa hot er jo iatz a NAVI d'rbei
damit fohrt er sicher bei kuaner Abzweigung mia vorbei.
Zum Jubiläumsjohr lossa miar iatz zum Schluß
Von der Fuirwehr an heida SCHUSS .

Kirschner Katharina / 129b

Auf dass dia Scheiba von der Katharina weit ausa fliagt,
für` s huirige Jahr alles Glück abgriagt.
Viel Gsundheit und Glück kann ma älli guat braucha,
drum lãss mår dir nou a Raketa weit aucha.
Miar hoffa du bisch z` frieda und die hat` s guat,
und hoffentli fliagt dia Scheiba mit ara schiana Gluat.

Mangott Silvia / Graf 129b/Top 1

Di Silvia hot deas Johr die Hüfte operiert,
und wor dadurch leider a bisli lediert.
Doch es geht bergauf des kann ma berichta,
die Ärzte kenna heinzutog so einiges richta.
Miar hoffa eas tiats ins nou lang gsund und glücklich bleiba,
und tian enk dafür nou a Scheiba und a Raketa weit ausitreiba.

Moschen Anni / Graf 129/1

D` Anni olli fleißig am Spaziera isch,
do sieht ma wia top fit du bisch.
Tua ins halt aufpassa bam spaziera gia,
und olli mit beada Fiass am Boda stia.
Miar vor Fuierwehr wünsch dir no viel Gsundheit dass mr die weiterhin secha.

Fam Ruetz Markus Christine / Graf 125/Top 2

Jeder, dear a Auto hat woas Bescheid,
dar Platz in ara Tiefgaraga isch nit olli gar aso weit.
So kanns passiera das as richtig eng weart,
und ma inrgenwenn amal a lautes Geräusch heart.
So ischas o im Markus passiert,
er isch mit seim Auto gega a Säule in dar Tiefgarage detoniert.
Deas kann passiera und isch wirklich nit schlimm,
schu viele ischas gleich gonga, hat ma decht viel im Sinn.
Die Christine und dar Markus sein sinscht viel am Ries,
miar hoffa eas hobats as fein, a Scheiba übern Bichl, sall isch gwies.

Ruetz Jakob / Graf 126/Top 5

Beim Jakob muass es momentan ou guat loafa,
weil er hat sich iatz entschlossa sich a nuies Auto zum koafa.
An nuia POLO isch es iatz gwoara,
da hat der Jakob gwies it viel Zeit beim aussuacha verloara.
Iatz tuat er bei di Schitza nou an haufa Verantwortung troga,
Da hatt ma uanfach kua Zeit mia sich z`Fuas umma z`ploga.
Als Lokalwart isch er da iatz alli voll dabei,
mir sein ins sicher da derlebt ma allerlei.
Iatz hoff mar nu mia dir gfallt dein nuia Job ou guat,
und schla ga dei Schiba ocha mitsamt der Gluat.

Ruetz Johannes / Graf 125/Top 2

Den Johanne sicht ma ou numma gar aso oft bei ins,
weder in Pians, nou in Grins.
Beim studiera isch er halt alli fleissig dabei,
da hat ma halt numma gar aso viel frei.
Und wenn`s amol an freia Tog geaba tat,
isch er mit der Rettung oder am Taxi am G jag.
Iatz kanntesch amol a Freindin mitbringa,
weil auf di Foto sieht ma ja, es tat dir ja eh was gelinga.
Mir hoffa du bleibsch der Fuierwehr wia du bisch derholta,
Drum tian mar dir iatz nou a Scheiba verkolta.

Kathrein Anni / Graf 129a/Top 2

Sportla tuat d`Anni oh ganz gera,
wos ma in inserm Dorf tuat so hera.
Ob`s mit da Touraski oder z`Fuaf isch,
ma merkt wia gera du am Berg bisch.
Miar hoffa die und deem Freind geat`s guat
und für huira isch iatz gnuag.

Fam Thurner Udo, Evelin / Graf 125/Top 6

So a Offroad Wohnmobile deas war für den Udo der Hit,
da brauchsch aber an C_Führerschein, sinsch geat des nit.
Nur zum Lerna hot dr Udo selta Zeit,
mush holt bleiba auf dr Stroaf mit ama kluan Gefährt, do kimsch jo au weit.
Dass enkre Gschäftla tia alli Gewinn bringa
lossa mir enk iatz no a Raketa in Himmel singa.

Thurner Tobias / Graf

D'r Tobias isch an umtriebiger Mann,
der will olli sein vorna dran.
Ob beim arbeita beim Turner,
oder wenn man am Fußballplatz siecht umchaloufa.
In d'r Fuierwehr tuasch die ja ou fleißig engagiera,
und am schnellsta Weg zum Kommandantakurs marschiera.
Dass dei Vorhaben gut gelingt,
iatz no a Raketa in Himmel auchi singt.

Fam Walterscheidt Klaus Katrin / Graf 126a/Top 1

Aus d'r Gluat isch auða die Scheiba,
iat'z tia mar a bissli bei d'r Katrin bleiba.
D'Katrin haltet ihren Gorta olli guat in Schuss,
di Blümli wochsa und hoba kuan Verdruss.
Katrin tuasch ins no long gsund bleiba,
mir tia dir iatz dia Scheiba bsunders weit auða treiba.

Juen Katrin / Graf 125

Mir tata geara über Schandtata berichta,
lei heart ma kuane vu deane Gschichta.
So wart ma uafs negschte Jahr,
vielleicht isch dann mia zum schreiba da.
A Scheiba fliegt aussu für die ganz weit,
bis zum negschta schloga, wünsch ma da a schiane Zeit.

FA HW Bau Graf / Graf

Den HW Bau in Grof weard a jeder kenna
Weil wenn ma für den Bau eppas braucht, muass ma nit weit renna.
Ob Zement, Eisa, Putz,- braun oder weiß,
dös ollas gibts zu einem guata Preis.
Und weil ma ou aolli bestens bedient und berota weard
Isch ins dös gonz klor a Raketa wert.

FA Wille Harald / Graf

A Raketa lossa miar iatz aussi mit'm Fuirwehrsega
und tian bam Wille Harald an Stopp inlega
Irgend ein Motor muaß d'r Harry olli heara,
weil ohne PS, dös tat d' Harry steara.
Eppas an Krawall, muaß uanfoch sein
Nocha tunks dean Monn earscht richtig fein.
Viel Erfolg und a guates G'schäft winscha miar
beim Kassiera keama miar eh nocha zu Dir.

FA Getränke Wille / Graf

Dia Scheiba isch aussi, weit und schian
iatz bleiba miar beim Getränke Wille stiahn.
Seini LKW drahia tog in tog aus die Runda,
und bringa olla mögliche Getränke zu seini Kunda.
Der Dietmar schaut schua, daß d' Leit nit verdursta miassa,
drum tia mir zure Scheibe ou nou an Böller schiassa.

Autohaus Zangerl / Graf

2019 isch a Geländeauto beim Autohaus Zangerl gfohra seine Runda
und hot glei bei enk in Graf an Dauerparkplatz gfunda.
So kann iatz jeder an Jeep ausprobiera,
und sei Geld bei enk investiera.
Dass ou nächstes Johr des Geschäft floriert,
iaz an Böller detoniert.

Horvarth Martha / Graf 128

Die negschte Scheibe set weit auße schwinga,
und der Marta im kemata Jahr viel Gsundheit bringa.
D'Martha kann da Frühling kaum mehr erworta,
da isch sie wieder gera und viel im Gorta!
Ob Buxa zuschneide oder Bluma giaß,
bei dera Arbeit tut Martha nit verdriaß.
A paar Woche wersch no hinworta miaß,
das die Zeit schnell vergeht, dia mar no a Raketa in a Himml schiaß.

Fam Horvarth Thomas Denisa / Graf 128a/Top 1

In Thomas tat mar wiederamol gera ploga,
lei tia mar nuit d'froga.
Mit'm Dominik seim Bua, do isch alli was z'tian,
do bleisch jung mir tia deas schua verstiah.
An Böller lass mar iatz krocha,
dass mar wieder hoba zum Berichta s'negscht Johr a poor Socha.

Fam Horvath Erich Elisabeth / Graf 128a/Top 2

Mit der negschta Scheiba wos mar aussaschießa,
die mar in Erich und in Elisabeth begrießa.
Am Vormittag tuat der Erich fleißig vor seine Bilder stiah
und gega Mittag seine Runda giah.
Bei der Elisabeth diens die Enkelkinder am Nachmittag ou wild treiba,
da wissa mar als Fuierwehr olli schnell wos schreiba.
Die Enkala sei eh glei amol groß und weara noch niemand mehr braucha,
aber iatz lossa fü enk a Raketa aucha.

Fam Berger Mario Christine / Graf 130

Mit so viel Leit im Haus gibt's sicher olli viel zum tian,
aber deas tuat ma ja gera und isch ja ou schian.
Die Bergers mechat mar amol recht herzlich bei inserm Fescht begriassa,
und enk a schiane Scheiba ausa schiassa.
A ganzes Jahr isch ou wieder vorbei,
und da passiert ja so allerlei.
Miar hoffa eas habat`s deas Jahr guat umma brocht,
und dabei ou a bissla glocht.

Sailer Christian & Patscheider Karin / Graf 130d

Dar Jahreswechsel kann ganz eppas Bsundrigs sein,
o weit weg vu dahuam ischas oft recht fein.
Dar Christian isch ganz weit davon mitm Flugzeug gfloga,
z'Silvester in KoSamui, ja Leit, deas kennats ruhig glouba.
Aber dar Christian isch nit dar Uanzige, dears sichs fein mocht,
oh die Karin hat an Aufenthalt auswärts fescht anglocht.
So isch sie mit ara Arbeitskollegin nach Kärnten, so schian,
d'Fiaß aucha leaga und uanfach amol gar nix tian.
Viele Unternehmungu winscha mar enk im nuia Johr,
und schloga enk a Scheiba durcho

Fam Nitsche Kurdoglu Gerald Brigitte / Graf 135

D' Gerald tuat deas perfekt kenna
aus'ama Malheur a Kunstwerk benenna.
Die Weinflascha im Zappi hot er zerscht zerschloga
"Da haben wir den Salat!" do miaßa mar iatz was woga.
Und so isch'as a Scherbakunstwerk gwora!
Bei deina Idea kenn mar nur stauna und gratuliera
dafür tia mar dir und dr Brigitte iatz a schiane Raketa spendiera.

Fam Schmid Robert Monika / Graf 130a/Top 1

Fürn Robert isch Huira a gonz a bsundrigs Johr
Da nächsta Runda Geburtstag hot er kennt ja wirklich wohr.
Feirt hot die Monika da 90er kett,
und huira du als jüngere deas isch ja nett.
Wir wünsche enk zwoa viel Gesundheit und a schiane Zeit,
und dassats mitanond 200 Johr weaerts, deas isch ja numma weit.

Matt Michael / Graf 130a/Top 2

Schreiba tata miar geara a schians Gedicht,
nua krieagt ma D"Michael nit ofts voars G'sicht.
Zur Scheiba von dier keart iatz nou an Böller darzua,
Nach dem Kassiera lossa miar die wieder a Johr long in Ruah.

Fam Maidel Wilfried & Ofelia Maria / Graf 130b/Top 4

Von der Maria tian miar holt ou it viel dr'froga,
drum kenna mir die it gar aso ploga.
Viel Gsundheit und Glück kenna miar dir winscha für`s huirige Johr,
weil sall braucht ma ollemal.
Miar hoffa es geat dir ou recht guat,
und hohla dir a schiane Scheiba aus der Gluat.
Dia Scheiba tian mar dir iatz extra weitausa schloga,
und hoffa sie tuat dir deas Glück bis ins Haus eini troga.

Matt Annemarie / Graf 130c/Top 2

Die Annemarie siecht ma alli viel beim spaziera gian,
weil ihre Hund meagas it gar aso, deas ummastien.
Überall sein sie am Weg, in die Wiesa und im Wald,
da isch es ganz gleich, ob warm oder kalt.
Am Abend geats nacha Huam zu ara gmiatliga Kartnerrunda,
und da isch deas guat kochte Essa in aller Munde.
Miar hoffa dia Spieleabende gfall enk nou länger so guat,
und hola enk dafür nou a Scheiba aus der Gluat.

Matt Patrick / Graf 130c/Top 1

Am Patrick tia mar iatz a Rakeita spendiera,
damit wella mir dir zum absolvierten Grundkurs gratuliera.
Ou beim FF Ausflug war er mit dabei,
wo mar von St. Anton zur Leutkirchner-Hitta gwondert sei.
Alle sei sie mit uanr morts Berg Ausrüstung auftaucht,
des sei Socha dia dr Patrick uanfoch nit braucht.
Er isch mit die Oldies im Lift aucha gfohra,
damit kann er glei an haufa Kraft zum Wandern spora.
Vom Gompa hat ma ihn gseicha gmiatlich onlagig oucha gia,
und nocha als ersts bei dr Hitta det stia.
Mit 2-3 Bierla hom mars nocha kett ganz fei,
nachdem nocha alle indroffa sei.
Hoffentlich kann die FF ou weiter voll auf die baua,
iatz wear mar dei Scheiba nou weit ocha haua.

FA Streng / Graf

Mit'm huiriga Schnee wor nou nit viel z'tian,
durm hoba die Loder miaßa in der Garsch drin stiahn.
D'r für sein ober die gelbe Auto und Bagger wieder am Ries,
dia schaufle und fiahra Eard, Schotter oder Kies.
Dass s'Gschaft guat louft, lossa miar nou an Böller krocha,
und daß dia Bagger ou olli a guati Orbat mocha.

FA Walch + Plangger / Graf 134

Die Firma Walch und Plangger im Strengbau obenau
Sei die Spezialista für Wosser und Kanalbau.
Im Büro weara Pläne konstruiert
Und im gonza Lond präsentiert.
A Raketa iatz nou singt
Daß jeder Plan ou guat gelingt.

Schröcker Evelyn / Graf 132a

Dia Scheiba aussì aus der Gluat,
mir hoffa dir geahnt`s guat!
Des Jahr hat`s leider bei dir nit viel geba zum berichta,
deas macht`s ins dann schwar eppas hetzigs zum dichta.
Iatz wünsch ma da no a Johr des da viel Gesundheit bringt,
und a Scheibe dia weit ausi singt!

FA Catering Schwarz / Graf

Wenns bam Schwarz um d` Werbung geat
muasch schua schua dass dr Schneemann olli steat.
Loufa muas des Gschäft jo ganz guat,
weil olli a nuis Auto dausa stia tuat.
Deine Kochkenntnisse konsch gera ou bei ins amol ausprobiera
oder inser Rezept von dr Kaskiachla studiera.
Dass weiterhin bei enk deas Gschäft guat floriert
d'Fuirwehr a schiane Raketa spendiert !

Landw. Genossenschaft / Graf

Bei der Genossenschaft isch deas ganze Jahr viel zum tian,
und so Sell`s ou sein, deas isch ja schian.
Alles Mögliche kann ma bei enk koafa,
da braucht ma, von da aus, gar it weit loafa.
Ob`s an Traktor, Anhänger oder Zubehör isch,
bei enk geat allerhand übern Ladatisch.
Miar sein ja froa so tolle Betriebe bei ins zum hoba,
und probiera dafür dia Scheiba bis ganz achi zum schloga.

Dr. Thomas Jehle / Graf

Der Dr. Jehle hat sich bei ins iatz schua ganz recht etabliert,
drum griagt er istz a schiane Raketa spendiert.
Beim Thomas isch alli grad eppar beim keama oder beim gian,
aber bei so am guata Zahnarzt isch deas ou zum verstian.
Mir hoff deas Gschäft tuat ou Huira guat loafa,
und du schausch amol bei ins vorbei a Kaaskiachla koafa.

Fam Schröcker Hermann & Frida / Graf 132a

In Hermann sieht ma im Summer vor dr Tür den Gehsteig keara,
weil dear Staub tuat ihn sakrisch steara.
So hot er ums Haus alles schia beinand,
und kann spaziera giah mit'r Frida Hand in Hand.
Iatz schiaßa mir enk no a Raketa in Himmel aua,
tiat's fleißig auf'd Enkali schaua.

Sports-Bar / Graf

Håt ma Hunger oder Durst,
In der Sport's Bar kriagt ma alles, vom Limo bis zur Wurst,
oder sell's mäl a Pizza oder Baguette sein,
dazua a Bier oder Wein.
Uanfach alles was ma mecht, känn ma da kriaga,
iatz läss mar enkre Scheiba no weit ausa fliaga.

Fam Hotz Martin & Maggi / Graf 132b/Top 5

Dia Scheiba was iatz kimmt, dem Hotz Martin und da Maggi keart.
Miar tata ganz geara amal eppes hetzigs berichta,
aber derfragt haba miar it viel,
drum weards schwierig zum dichta.
Desswega winsch mar enk nur es beschte, deas isch ja klar.
Miar hoffa eas tiat`s enk di Zeit guat vertreibta,
und tiat`s es mit der Arbeit in der Tischlerei nit übertreibta.

Hotz Beate / Graf 132d/Top 1

Die negscht Scheiba isch aussu aus d'r Gluat,
mir hoffa es geht d'r Beate olli guat.
G'sundheit winscha mir auf alle Fäll,
und lossa ou nou a Raketa vor Stell.
Für's negschte Jahr ou no s'bescht,
kimm ins wieder a mal b'suacha auf am Fuierwehrescht.

Fam Hotz Oskar Edith / Graf 132e

Dia Scheiba isch außa aus dr Glut,
mir hoffa es geht dem Oskar und der Edith guat.
G'sundheit, Glück und s'allerbescht, winsch mir dir heint bei inserem Fescht.
S' Jahr 2020 dir des alles bringt,
und zum Schluss a Raketa in Himmel aua singt.